

Школьниковудин хаврин каникул

Сургъулин гурвдгч дөрвнэ төгсв. Школьниковудин хаврин каникул болджана.

Балгъсна сургъульчнр эн бдрмудт ягъдж амрхмб?

Хойр бдрин туршарт спартакнад болхмн, балгъсна школмудин физкультурн коллективс цугъар энунд орлцхмн.

Дөрвн хонгин эргцд школмудин художественн самодеятельность шуудж халэгдхмн.

Негдгч дундин школин сургъульчнр „Олн-амтн төвкнунэ болн ни-иньгллгъни төлэ“ гидж программ белдв.

Пионерск дууна коллектив, ах пионервожат Валентина Борисенко гардврта, СССР-н олн келн-амтнэ дуд дуулхмн. Тедн дунд „Цыплята“ гидг азербайджанск дун, „Кукушка“ гидг польск дун баянэ. Дакад хальмг болн орс сургъульчнр „Улан туг“ гидг хальмг дуу дуулхмн.

9-ч классин сургъульч Светлана Сусеева эцкиннь бичсн шүлгүд умшхмн.

Балгъсна хойрдгч дундин школ чигн каникулд саянэр белдв. Зу шаху школьников, алдр Ленинэ туск дуу дуулхмн. Дакад „Кукушка“, „Ты лети, ветерок“, „Неведемо наше море“ гидг дуд бас дуулхмн. Сургъульчнр Коробейникова Галя болн Кравцова Нина хойр „Россия“ гидг дуу дуулхмн, Ковтунов Коля баянд чешск польк татхмн.

Долан джилэ хойрдгч номертэ школин сургъульчнр бас му биш белдвр, кедж: хальмгар болн орсар дуулдг дууна коллектив бурдагдлж, саянэр биилдг сургъульчнр чигн баянэ. Улгүрлхд, Зундуева Эльза „Чичрдг“ гидг би биилхмн, наадк кбвуд-күүкднь хальмг найамадлг би биилхмн.

Эн школин сургъульчнрт хальмг ансамблин артистнр Лидия Кулешова Эмба Манжиев хойр ик дбнъ-нбкд болна.

Долан джилэ негдгч школин художественн самодеятельностиг Штокалов болн Лунева гардна. Эднэ белдсн программ бас „Ни-негнэ төлэ“ гидж не-

рэдгнэ. 1-ч классин сургъульч Володя Болдырев хальмг келэр шүлг умшхмн, 2 классин сургъульчнр „Бичкн школьников“ гидг би биилхмн, гурвдгч классин сургъульчнр „Петушок“ болн „У дороги Чиб“ гидг литовск дуд дуулхмн. Орс келэр „Партия, слушай, родная“, хальмг келэр „Комсомолин марш“ гидг дуд дуулхмн.

Цуг школмудар мартин 30-д „Шовуна бдр“ болхмн. Кбвуд ода шовудин улгүрмүд, шовун баянд гермүд кеджана, тедн хоорнд „Дживртэ иньгүдэн халэгдж, харти“ гидг темэр күундвр болджана.

„Шовуна бдрлэ“ школьников балгъсна парк, рошь орад, тер кесн шовудин гермүдэн хадхмн.

Эн амрлгъна цаглагъан сургъульчнр „Бичкдүдин дектрин долан хонгт“ орлцхмн, амтн дунд дектр тархалгэнд орлцхмн. Эн бдрмүдлэ умшачнрин конференц, дектрин туск күундвр, шин дектрмүдин гаяхул, фотовитрин кехмн.

Долан джилэ хойрлгч школин сургъульчнр Вознесеновск селэ орад, концерт үзүлхмн, дакад тер селанэ школьниковдиг бийсүрн гиичд дуудхмн.

Хойрдгч номертэ дундин школин ах классин сургъульчнр ВЛКСМ-н XIII-ч хурт нерэдсн йовдл Целинн района Троицк селэн тал кехмн.

Наадк школмудин цуг сургъульчнр балгъсн деер баянэ предприятиесэр йовдж, кбдлмшин аацла таньлдхмн. Улгүрлхд, зург цокдг герүр, газет барлдг газрур, ремзаволур болн нань чигн предприятиесүр одцхахмн.

Дакад болхла балгъсна „Родина“ кинотеатрт бичкдүдт гидж кинофильмс гархмн.

Цуг сургъульчнрт хаврин каникулин цагла амрх, наадх, сергх тоот газрмуд, тбрмүд олн.

Сургъульчнр, саянэр амрцхатн!

В. СЕРЫХ, И. ШАНТАРОВИЧ.